


Goardia Zibilak barne araudia aldatu zuen Masa ez kanporatzeko

‘Linaza kasuan’ auzipetua izan ondoren hartu zuen erabakia Gobernuak

Linaza kasuaren’ ondorioz auzipeturiko Rafael Masa eta Jose Martin Llevot koronelen eta beste 10 goardia zibilen aurka Auzitegiak erabaki zezakeen zigorra ez betetzearren, Goardia Zibilaren barne araudia aldatzea onartu zuen Madrilgo Gobernuak, atzo ‘El Pais-ek’ jakitera eman zuenez. Lege aldaketa honekin, inhabilitazio zigorra zuten goardia zibilak zuzenean gorputzetik ez kanporatzea onartu zen.



‘Linaza kasuan’ kondenatutako Rafael Masa teniente koronela. EFE

DONOSTIA

1987an ‘Linaza kasua’ zela eta, Elisabeth Huerta epaileak 12 Goardia Zibil auziperatu zituen, tortura eta prebarkazio delituen akusaziopean. Ordura arteko Goardia Zibilaren barne araudiaren arabera, tortura eta prebarkazio delituengatik goardia zibila inhabilitatu eta, ondorioz, zuzenean gorputzetik kanporatua izango zen. Baina Bilboko Entzutegiak auzipeturiko 12 goardia zibilen aurkako epaiketaren data zehaztu baino 19 egun lehenago, Ministroen Kontseiluak Goardia Zibilaren barne araudia aldatu eta arindu zuen lege proiektua onartu zuen 1990ean. Lege proiektuak gorputzaren barne araudia leundu egin zuen; bai zuzenean gorputzetik kanporatzea bai inhabilitazio kasuak ezereztatu egin zituen legeak, Bilboko epaiketaren erabakiaren berri jakin aurretik.

IU-KO ROMERO KANPORATZEEN ALDEKO

Aste honetan bertan Auzitegi Gorenak 1991n Bilboko Auzitegiak emandako atzipenaldi eta inhabilitazio zigorrak —Alfredo Serrano Pastor eta Lúcio de Sosa Robledo goardia zibilei zazpi hilabeteko atzipenaldia eta sei urteko inhabilitazioa; Rafael Masa,

Jose Martin Llevot, Angel Fuentes Romero, Julian Perez Montesinos, Diego Ceron Garcia, Santiago Lopez Rico eta Miguel Caballero Sanchez sei urteko inhabilitazioa— indarrean jartzeko agindu badu ere, 1991ko Goardia Zibilaren lege berriak, bestelako zigor arinagoak agintzen ditu. Gauzak honela, Txema Montero Tomas Linazaren abokatuak adierazi zuenez, «zigor

penala gutxitzearen legea aldatu bada, hori oso larria litzateke».

Romero IUko diputatuak, berriaz, atzo Antonio Asuncion Barne ministroari torturaz zigorturiko 12 akusatuak Goardia Zibiletik espulsatutako izan daitezen eskatu zion. Auzitegi Gorenak emandako epaia betetzearen beharra azpimarratu zuen Romero, torturatzea «Zuzenbidezko Estatu batean onartezina baita».

Torturak egun

BILBO

■ Joseba Egibarrek tortura indarrean dagoela baietsi du. Tomas Linazaren auziko epaiaren ondorioz Europa Press agentziari eginiko adierazpenetan EAJko bozeramaileak esan zuenez, «ez da beharrezko 12 urte atzera egitea torturak egiten direlako konbentzimendua hartzeko».

Bere adierazpenetan Egibarrek nabarmendu zuen Goardia Zibilak «kontrol asko eta zehatzak» behar dituela «gaur egun ere tratatu txarrak eta torturak gerta ez daitezkeen». ‘Linaza kasua’ argitzeko hamabi urte behar izana

deitoratu zuen. Burukide jeltzaileen ustez kasua deigarria da: «Ez bakarrik ez zituzten arduratik kendu auzipeturako pertsonak, baizik eta hobekuntzak ere izan dituzte».

Jose Luis Marcos Merino PSE-EEko idazkariorde nagusiaren ustea oso desberdina da, ordea. «Torturak frogatu egin behar dira eta bitartean oso zuhur jokatu behar dugu», adierazi zuen Bilbon emandako prentsaurrekoan. «Seguru baldin badago torturak badaudela, alderdi gisa jokatu eta dagozkion instituzioetan erantzukizunak eskatu egin behar ditu», gaineratu zuen.

Berdeek Lalonden alderdikoan jarrera politikoa salatu dute

LE. / BAIONA

Euskal Herriko Berdeek eta eurodiputatu den Yves Fremionek beren jarrera politikoa goizean Baionan. Balladuren gobernuaren oposizioan direla zalantzarik gabe azpimarratu zuten. Halaber, Bric Lalonden jarrera, GE Generation Ecologie mugimenduaren buruan kaltegarritzat jo zuten.

Fremionek aurtengo Frantziako diputatu-hauteskundeetan mugimendu ekologistak jasan porrota analizatu zuen lehendabizi. Argi salatu zituen Lalondek egin «kanpaina nazionalaren gora-beherak, ikuspuntu aldatzeak eta batez ere Rocard-en ‘big bang’ proposamenari buruz ukan zuen jarrera. Bestalde «sondaketa baikorregien bluffa» aipatu zuen.

Datozen Europako hauteskundeak Berdeentzat etapa

nagusi agertzen dira. Fremionen ustez, «% 5 baino gutiago egiten badugu, mugimenduaren garapena atzeratu egingo da luzerako». Bere ustez hauteskunde premiazkoak dira, zeren «sistema osoki proportzionala aplikatzen duten bakarrak baitira Frantzia» eta «betidanik ekologistek hor lorpen handienak egin baitituzte, jendearentzat ekologia Europako eraikuntzari lotua dagoelako».

Hauteskunde zerrenda osatzean, 87etarik 40 postu proposa ditzakete «mugimendu erregionalistei», elkarrekin alternatibo, inmigratu edo gizarte mugimenduei. Euskal Herriari dagokionez, Marc Lassus GEko zuzendariaz deskonfiantza azaldu zuten gogoraraziz Xibertako antolakuntzaz honek egin aldaketa. Gaur onartzen ditu «Lapurdi kostaldeko elementu egituratzaile direlaketaz».

Klaudio Harluxeten elizkizunean jende ugari bildu zen Baionan

H.G. / BAIONA

Klaudio Harluxeten hileta elizkizunak egin ziren atzo Baionan. Saint Andres-eko eliza goraino bete zuten urte anitzetan zehar giro euskaltzale eta abertzalean lan egin duenari azken agurra egiteko. Elizkizunaren ondoren, gorpuzta Irisarrin (Nafarroa Beherea) ehortzi zuten senide eta hurbileko adiskideen artean.

Elizkizunetan ziren gizarte, politika zein kultur arloko hainbat pertsonalitate ezagun. Politiko abertzaleen artean, bertan izan genituen Harluxet partaide zen Euskal Batasunako kideak, EMA, Patxa Oidartzen eta Iparraldeko EA eta EAJko partaideak ere.

Politiko ezagunen artean ere, besteak beste, alderdi komunistako Henri Lagarde, Alderdi Sozialistako Jean Pierre Destrade eta Nicole

Pery europarlamentaria, Jean Grenet eta Baionako udal kontseilua, Lissar Berdeen ordezkaria, Andres Darraidou Ezpeletako auzapeza, Peixoto eta Julien Madariaga.

Kultura eta gizarte arlokoak, berriaz, Jean Haritxelhar, Piarres Xarriton, Txomin Peillen eta Beñat Oihartzabal euskalzainak, Daniel Landart Euskal Kultur Erakundearen lehendakaria, Niko Etxart, Eñaut Etxamendi eta Maite Idirin kantariak, Kepa Altomaga UEUko arduraduna, Eugenio Arraiza, Zuriñe Mendizabal Ikastolen Federakundearen arduraduna, Maite Maniort Abokata Euskal Dantzarien Biltzarreko ordezkaria eta unibertsitateko hainbat pertsona.

Elizkizunak ordubete pasa iraun zuen eta Klaudioaren urteetako lanerako grina asegitza goraipatu zuten partehartzaileek.



UNIVERSIDAD PUBLICA DE NAVARRA
NAFARROAKO UNIBERTSITATE PUBLIKOA

LEHIAKETA NAFARROAKO UNIBERTSITATE PUBLIKOAN KAFETEGI ETA JANGELA ZERBITZUAK KONTRATATZEKO

Nafarroako Unibertsitate Publikoak lehiaketa publikorako deia egin du kafetegi eta jangela zerbitzuak kontratatzeke 1993ko abenduaren 13ko 151 zk.dun NAOean agertzen den bezala. Baldintza administratibo eta teknikoaren zerrenda interesdunen eskura dago Erosketa eta Ekipamendu Atalean (Errektoretzaren Eraikina, Arrosadiako Kanpua, z/g., Iruñea) astelehenetik ostiralera 8.00etatik 15.00etara.

Proposamenak aurkezteko lekua eta egunak 1994eko urtarrilaren 11ko eguerdiko ordubi t'erdia arte Unibertsitateko Erregistro Nagusian (Errektoretzaren Eraikina).



UNIVERSIDAD PUBLICA DE NAVARRA
NAFARROAKO UNIBERTSITATE PUBLIKOA

LEHIAKETA NAFARROAKO UNIBERTSITATE PUBLIKOAN ERREPROGRAFIA ZERBITZUA KONTRATATZEKO

Nafarroako Unibertsitate Publikoak lehiaketa publikorako deia egin du erreprografia zerbitzua kontratatzeke 1993ko abenduaren 13ko 151 zk.dun NAOean agertzen den bezala. Baldintza administratibo eta teknikoaren zerrenda interesdunen eskura dago Erosketa eta Ekipamendu Atalean (Errektoretzaren Eraikina, Arrosadiako Kanpua, z/g., Iruñea) astelehenetik ostiralera 8.00etatik 15.00etara.

Proposamenak aurkezteko lekua eta egunak 1994eko urtarrilaren 11ko eguerdiko ordubi t'erdia arte Unibertsitateko Erregistro Nagusian (Errektoretzaren Eraikina).

ZEANURIKO UDALA

ADMINISTRARI BAT KONTRATZATEKO DEIALDIA

Oposizioaren bitartez, Zeanuriko Udalak administrari laguntzaile bat lan erregimenean, ordutako eta zazpi hilabetetako, kontratatzea behar du bulegoko lanak egiteko. Deialdirako oinarri arauak B.E.O.-an eta E.H.A.A.-an argitaratuko dira.

Interesatuak zuzendu bidez Zeanuriko Udaletxera (6739146 tel.).

Zeanuri, 1993ko abenduak 17